



## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

Dom. 7. post Pent. De falsis Prophetis.

---

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

ptis hujus mundi retibus, id est, opibus, honoribus, & voluptatibus.

## DOM. VII. POST PENT.

*De falsis Prophetis. Matt. 7.*

## PUNCTUM PRIMUM.

1. **Cur mali tolerantur.** 1. **I**esus dixit discipulis, *Attendite à falsis prophetis, qui veniunt in vestibus ovium, intrinsecus autem sunt lupi rapaces.* Considera bonitatem & sapientiam Dei, qui tantum malum, id est, falsos doctores, tot animarum perverfores non permetteret, nisi majus bonum colligeret: ut discas ex quovis malo commodum spirituale colligere. 2. Per falsos prophetas non tantum intelligi hæreticos, & hypocritas, sed omnes qui carnalia & suavia obtrudunt sub specie virtutis, ut est caro nostra, mundus & diabolus: caro enim prædicit te non diu victurum si durè ipsam tractes, sed falso: quia sancti qui jejunia maxima coluere, diutissimè vivere. 3. Intrinsecus illos esse lupos rapaces: quia etiam si extrinsecus ostendant vestem ovilem, id est, promittant incolumitatem corporis, tamen quærunt intus occidere animam.
2. **Qui mali.**
3. **Fraudes malorū.**

## PUNCTUM II.

1. **Fructus malorū.** 1. **A** *Fructibus eorum cognoscetis eos. Non potest arbor mala bonos fructus facere, & ideo excidetur, & igne mittetur.* Considera, sicut quales hæ-



hæretici huius temporis sint, opera ostendunt, utpote quæ prius carnalia (cùm ipsi refugiant omnia quæ carni & sanguini sunt molesta) sic etiam quales prophetæ sint caro & mundus, ostendunt effectus, reddunt enim conscientiam inquietam, fervorem pietatis tollunt, movent tentationes carnales, creant inconstantiam in vocatione, &c. 2. Expende hominem comparari arbori, quia sicut illa in terra plantata fructum cum ramis producit sursum, sic homo, licet in terra sit conversationem debet habere in cœlis, & fructus producere cœlestes, alioquin excidendus & in flammâ æternas conjiciendus.

### PUNCTUM III.

1. **N**on omnis qui dicit, Domine, Domine, intrabit in regnum: sed qui facit voluntatem Patris, qui in cœlis est. Considera neminem ad vitam æternam venturum, nisi fidem, vel vocationem quam profiteretur, opere compleat. Deus enim voluntatem suam declaravit immediate quidem in divinis, mediate verò in humanis Ecclesiæ, & cuiusque sacræ Religionis præceptis & statutis. 2. Deum non tam ad externas ceremonias & opera, jejuniâ, cilicia, cantum in Ecclesia, quam ad cor purum respicere. *Hæc enim est voluntas Dei, ait Apostolus, sanctificatio vestra.*